


東國通鑑


二十九


漢書門
二三三八
架函號類
五七册

內閣文庫
二三三八
架函號類
五七册
六五四九

內閣文庫
番號 漢 2338
冊數 57 (30)
函號 285 29







午戊

東國通鑑卷之二十九

高麗紀

神宗靖孝王

諱暉古諱收字至華明宗母弟封平涼公崔忠獻廢明宗迎立之在位七年壽六十一

元年宋慶元四年春正月置山川禪補都監

崔忠獻會宰樞重房及術士議國內山川禪

補延基事遂置之○三月元子始開書愆於

寶文閣○幸玉輪寺自是數幸寺院○重房

淺草文庫

奏關西之地武官位也請禁人家安碓○夏
四月陞兩界兵馬判官為副使初防戍將軍
不帶兵馬之職庚寅以後始兼兵馬判官至
是遂陞為副使○有司請避上嫌名令諸姓
卓者從外家姓若內外姓同則從內外祖母
之姓○趙通還自金谷前王表詔曰卿嗣爵
遐陬撫封歲久遽退讓以去位疑事變之非
常迨閱奏緘備形懇切自以衰疾之逼難任
機務之繁且述父言欲令弟及文曠藩宣之
寄已從權攝之宜雖若出於卿誠顧未孚於

高麗神宗

朕聽續遣信使往咨其詳○於億萬積等六
人樵于北山招集公私奴隸謀曰國家自庚
癸以來朱紫多起於賤隸將相寧有種乎時
來則亦可為也吾輩安能勞筋苦骨困於華
楚之下諸奴皆然之乃剪黃紙數千皆毀丁
字為識約以甲寅聚興國寺同時鼓噪趨毬
庭作亂內外相應先殺崔忠獻等仍各格殺
其主焚其賤籍使三韓無賤人則公卿將相
皆可得矣及期皆集以衆不滿數百恐不濟
事更約戊午會於普濟寺令曰事不密則不

成慎勿泄律學博士韓忠愈家奴順貞告變於忠愈忠愈以告忠獻遂捕萬積等百餘人投之江拜忠愈閣門祗候賜順貞白銀八十兩免為良餘黨不可悉誅詔置不問○壞李義叟沙堤初義叟自駱駝橋至猪橋築堤夾堤種柳人不敢斥言稱為新道宰相後東南盜賊大起又奴隸謀逆術家指以為說故壞之○六月金遣宣問使大理卿孫保來俟詰前王遜位事對如前王表意保曰有詔必見前王親授朝議難之門下侍郎趙永仁曰前

高麗神宗

王養疾南州計程三十日乃至必欲親授詔請留待二三月保曰苟如是乎不必親授翼自傳詔于王詔曰久撫海邦遽形誠懇自以嬰疾難于奉藩乃追述於父言且弁陳其子讓欲令母弟傳受爵封謂其能事於上朝已俾攝行於國政驟達于聽未察所從特命使以即諏庶得卿之誠素具詳奏牘無或隱情○秋七月遣禮部郎中白汝舟如金請封冊侍郎鄭邦輔進方物○冬十二月起居舍人張允文謂同舍曰門下錄事及堂後官越日私

辨直宿即舍兼宜供億競事豐侈從入假貸
 及拜參補外歛民償債恬不為愧冒進者或
 於參外赴任時預為聚歛以資後用是故從
 事之吏率皆貪汙鮮有廉謹若除直宿供億
 但供燃燈八關宴會則糜費大減矣然後可
 責吏之清節也宰臣即舍皆以為可獨散騎
 常侍閔湜右諫議李桂長執不可議遂寢
 二年宋慶元五年春二月白汝舟還自金詔
 曰卿比飾使駢蕭馳緘奏備叙兄讓兼徵父
 言慮有曠於撫封乃從權而攝事詰其端緒

高麗神宗

亦既合符茲復貢於欵誠冀獲承於世爵載
 稽公義爰畀俞音續當遣使冊命○盜起溟
 州陷三陟蔚珍二縣盜又起東京與溟州賊
 合侵掠州郡遣即將吳應夫借閣門祇候宋
 公綽于溟州道將作少監趙通即將韓袞于
 東京招撫之○三月宋公綽招諭東京賊魁
 金順蔚珍賊魁今草等來降王賜酒食衣服
 遣還○夏四月金遣大理卿完顏愈尚書兵
 部侍郎趙琢來冊王為開府儀同三司高麗
 國王賜車服金印匹段弓矢鞍馬等物○六

月中書奏舊制帶學士職者非臺諫知制誥則不得與近臣之列請自今凡帶學士者並許從待臣之列又賊臣曹元正石冲之餘黨雖被德音已免流放請勿復給職田以懲亂賊皆從之○以崔讜為門下平章事于述儒為中書平章事○知奏事崔忠獻以兵部尚書知吏部事物○文武銓注出入禁闈以兵自衛○秋七月遣大將軍金陟候禮部侍郎王儀如金謝冊命鄭邦輔進方物○八月崔忠獻殺黃州牧守金俊瑀初忠獻疑俊瑀兄弟

高麗神宗

有異志貶俊瑀為黃州牧守弟俊光為尚州牧守俊瑀之任不恤民事台募勇士恒事遊畋時將軍朴晉材門客無慮數百有神騎指諭李勣中者最親昵勣中密告俊瑀欲作亂會俊光移任安邊府俊瑀陰與通謀乃率黃州民驍勇者潛入京俊瑀妻父即將金純永告忠獻忠獻遣門卒捕俊瑀斬之分捕其黨或殺或流悉籍妻子為奴婢遣人捕俊光于安邊殺之父平章事永仁以老免死配黃驪縣純永以其功拜將軍○冬十月辛酉雷俄

庚申

而有恠氣赤黑從鵠嶺出漸大彌滿京都遂
雨雹黑氣下地咫尺不見人○以奇洪壽為
門下侍郎平章事崔忠獻為開府儀同三司
依前知奏事

三年宋慶元六年春閏二月元子謂僚屬曰

人皆不知其過吾亦安能自知請悉陳無隱

朝野嘉歎○夏四月冊元妃金氏為宮主元

子惠為王太子○晉州吏鄭方義鄭昌大等

作亂大殺列人時列公私奴隸羣聚屠燒列

吏家五十餘心藝方義家列吏告牧官追捕

高麗熙宗

之方義手弓矢入謁司錄全守龍守龍詰曰

何為持弓矢拜乎汝必作亂也即加拷問方

義歎無他釋之牧使李淳中聞之枷鎖方義

下獄翼日方欲更鞫方義弟昌大突入庭脫

去枷鎖扶出因嘯聚羣不逞墮突列里殺素

所仇怨者六千四百人於是淳中等懼閉閣

不出方義督令視事既而方義多斂邑內銀

瓶賂京中權貴規免其罪按察副使孫公禮

行部至列按問吏民多畏方義皆曰無罪朝

廷聞之流淳中于草島遣少府監趙通中即

將李唐績安撫晉州方義虐焰甚熾通等至
因知所圖但拱手而已時陝州有賊曰光明
討勃亦豪橫為一方鉅害晉人有與方義仇
隙者二十餘人往投陝賊請兵欲擊方義賊
從之至晉方義出擊破之乘勝至奴兀部曲
盡殺其黨○秋八月癸巳日有黑子大如李
○金州雜族人羣聚謀亂殺豪族人豪族奔
避城外乃以兵圍副使李迪儒衙迪儒登屋
射首謀者應弦而倒其黨四散已而還告曰
我等欲除強暴貪汚者以清我邑何故射我

高麗神宗

迪儒陽譎曰吾未嘗料此誤謂外賊耳乃密
諭城外豪族夾擊盡殺之○冬十一月以崔
詵為門下侍郎同中書門下平章事判吏部
事任儒為門下侍郎平章事崔忠獻為三重
大匡守大尉上柱國依前知奏事安有孚為
右副承宣中書舍人趙準為戶部侍郎右諫
議大夫準忠粹女壻也忠獻欲官清要特除
是職忠獻自知縱恣恐其變生不測大小文
武官吏閑良之士至於軍卒強有力者並皆
抬致分為六番更日直宿其家號都房及其

出入合番擁衛如赴戰鬪焉

史臣曰崔忠獻擅廢立作威福附已者招遷異已者流竄招納賄賂鬻官爵台募勇士引以自衛權勢益熾王室日微自古君弱臣強未有甚於此時嗚呼痛哉當時撰實錄者恐其語洩皆諱而略之史臣之罪也

慶刈副留守房應喬免以郎中魏敦讓代之初忠獻之族義收也慶刈別將崔茂承刈官之命捕義收族思敬等數人抵罪於是思敬

高麗神宗

族伯瑜直才等怨之訐應喬曰茂欲作亂應喬信而囚之伯瑜直才夜入獄殺茂應喬不問反欲捕殺茂族用雄大義等刈人情怨既而用雄大義殺伯瑜直才而用雄亦為人所殺至是大義等集刈中無賴縱暴甚應喬又不能制故罷之

辛酉

四年宋嘉泰元年春正月奇洪壽車若松坐中書省若松問於洪壽曰孔雀好在否若松曰食魚鱖咽而死因問養牡丹之術若松具道之聞者曰宰相之職在於論道經邦但論花

鳥何以儀表百寮○三月壬子日有黑子大
如李○秋九月有人貼匿名榜云將軍朴晉
材謀去舅崔忠獻由是兩家構隙○冬十二
月金遣工部侍郎納合鉉來賀生辰○刑部
尚書閔湜卒湜令謨之子豁達有大度雖貴
顯視故舊無貴賤一如平日明宗諸小君拍
權納賂朝士爭附獨湜不往其弟嗣忠曰兄
蓋往焉湜曰亦吾志也一日嗣忠請與俱往
酒酣忽曰虹沙彌輩敗國家嗣忠愕然流汗
蓋以虹一端接地一端屬天喻小君王子而

高麗神宗

戊壬

毋賤也湜之放曠多類此○以奇洪壽為門
下侍郎同中書門下平章事全峻為中書侍
郎平章事車若松叅知政事崔忠獻為樞密
院使吏兵部尚書御史大夫○晉州人討鄭
方義誅之昌大率二百餘人遁去
五年宋嘉泰二年春三月忠獻自兼吏兵部
之後常往來二部銓注至是在私第與吏部
員外郎盧瑄注擬文武官以奏王領之二部
判事但檢閱而已瑄忠獻外戚起市井性巧
賈善奉迎忠獻甚愛之氣勢日熾賄賂公行

及出補安西都護副使以琴克儀代之○夏五月賜黃克中等三十三人及第忠獻女塔任孝明中第即屬內侍權補閣門祗候以寵之○秋八月忠獻會文武三品以上於私第議慶州事皆曰遣使諭之而後可出兵廼以吏部郎中宋孝成刑部員外郎朴仁碩為宣諭使○丙子日中有黑子大如梨○九月門下侍中趙永仁李永仁博學善屬文少時魁然有宰相器明宗命輔導太子及為承宣多所匡救物論歸重後配享王廟○前王患痢

高麗神宗

疾王遣中使請曰欲遣醫進藥誰其可者前王曰我忝位二十八年享壽七十二歲豈希延生遂不聽○冬十月耽羅叛遣少府少監張允文中郎將李唐績安撫之○慶州別抄軍與永列素有隙引雲門賊及符仁桐華兩寺僧徒攻永永人李克仁堅守等率精銳突出城與戰慶人敗走忠獻聞之會宰相諸將於大觀殿議曰慶人恣行不義今又聚黨攻伐隣邑宜發兵討之○十一月戊午前王薨于昌樂宮宰樞及常參官以上皆皂帶詣闕

陳慰○慶州人謀叛密遣郎將同正裴元祐
往將軍石成柱配所古阜郡說曰高麗王
業幾盡新羅必復興以公為主沙平渡為界
如何成柱佯喜留元祐于家潛誦郡守惟貞
告之惟貞捕送于按察使以聞誅之○耽羅
安撫使張允文李唐績斬賊魁煩石煩守等
○慶尚道按察使池資深奏慶州請降不必
殺兵崔忠獻怒以大將軍直門下省金陟侯
為拍討慶置兵馬中道使刑部侍郎田元均
副之大將軍崔匡義為左道使兵部侍郎李

頤副之攝大將軍康純義為右道使知閣門
事李維城副之從殺兵往討賊聞之募集雲
門山及蔚珎草田賊分為三軍自稱正國兵
馬誘脅列郡陟侯等行忠獻與子瑠甥晉材
登樓觀之各大陳兵衛以示威○閏月壬寅
葬前主于智陵上謚光孝廟號明宗王欲葬
以王禮崔忠獻堅執不可降從其妃景順王
后葬儀宗室百官及士庶人玄冠素服三日
時太子斥在江華未得與襄事國人哀之○
以崔忠獻守太傅叅知政事吏兵部尚書判

御史臺事

癸亥

六年宋嘉泰三年春正月慶州賊入基陽縣
崔匡義率兵急擊殺獲甚多忠獻奏遣中使
賈詔賜藥以獎之○二月慶州賊掠杞溪縣
李維城進兵擊之賊魁李佐乘高望見將遁
將軍房秀精率二子先登奮擊士卒乘之斬
首一千級虜二百五十餘人○夏四月慶州
賊徒都領利備父子潛禱城隍祠有覲給之
曰都領舉兵將復新羅吾屬喜悅久矣今日
幸得見請獻一杯邀至其家飲而醉執之獻

高麗神宗

于兵馬使丁彦真實友真之謀也○秋七月
丁彦真遣隊正咸延壽康淑清往雲門山誘
賊魁李佐以安業不聽賊副屢目延壽延壽
知其意乍出持劍入斬傳首于京○參政車
若松畜妓生二子長入國學補服膺齋生次
拜流品職事崔忠獻陰嗾御史臺奏屬伶官
限以七品又削望籍○冬十一月崔忠獻詣
闕御史臺官迎候於麗景門及還第雜端琴
克儀立語馬前人譏其諂○十一月以車若
松為中書平章事崔忠獻為中書平章事

部尚書判御史臺事王珪參知政事丁光叙
金鳳毛並為樞密院副使○庚申王薨背疽

甲

七年

宋嘉泰四年
金泰和四年

春正月乙丑朔日中有黑

子大如季凡三日太史以晉成康八年正月
日中有黑子夏帝崩惡其徵不敢斥言但奏
日者人君之象若有瑕必露其匿○崔忠獻
入內問疾王曰寡人由藩邸即寶位公之力
今以大漸不能聽朝欲傳位於太子忠獻對
曰願上善自擇養禪位之命非臣所敢從也
遂出邀宰相崔誥奇洪壽于私第密議內禪

高麗神宗

之事忠獻復入問疾王又語以內禪意甚繼
緒忠獻以告太子太子涕泣固辭王移御于
千齡殿詔太子曰朕以涼德謀襲丕基年既
衰耗病且彌留不敢聽政春爾元子學就光
明德孚民望肆以太寶用付子爾忠獻白太
子曰君父之命不宜固辭乃引太子入康安
殿進御牀北面再拜因奉出太觀殿受文武
百官朝賀王扶起謂忠獻曰今日朕之志願
已畢病亦隨愈卿於朕之父子功德不淺無
以為報遂泣下忠獻再拜而出王謂承宣及

重房等曰今日以後不復見卿等矣宜各善
輔嗣君以臻至理聞者莫不流涕丁丑王移
御德陽俵邸遂薨戊寅忠獻會寧樞於其第
議減禮司所奏服喪二十六日為十四日○
二月庚申葬陽陵上謚靖孝廟號神宗
史臣曰神宗為崔忠獻所立生殺廢置皆
出其手徒擁虛器立于臣民之上如木偶
人耳惜哉

三月招討使丁彥真副使田元均等還忠獻
奏曰賊未盡除宜留中軍判官朴仁碩為按

高麗神宗

察使率京兵二百以鎮之○夏六月降東京
留守為知慶州事陞安東都護為大都護府
以慶州管內列府郡縣鄉部曲分隸安東尚
州又改慶尚道為尚晉安東道有人言於忠
獻曰東京古之國都實南方臣鎮降為知官
無乃不可乎忠獻曰東京人造新羅復興之
言傳檄列郡謀逆扇亂不可不懲安東富盜
賊合攻之日一心捍禦以全忠義不可不勸
○秋七月有三十餘人夜會給事同正池龜
壽家謀誅崔忠獻事覺龜壽逃有人執其弟

龜永告忠獻忠獻鞠之龜永曰將軍李光實
為謀主忠獻捕詰之曰吾素知爾不肖但以
故舊拜為將軍何敢爾耶光實不能對乃流
海島○冬十月立元子祉為王太子年八
歲○十一月以崔忠獻守太師門下侍郎同
中書門下平章事判兵部御史臺事王以忠
獻有擁立功不以臣禮待之常呼為恩門相
國○韓惟漢隱于智異山惟漢世居京都見
忠獻擅政曰難將至矣遂携妻子隱於智異
山清修苦節不與世人交世高其風致徵為

高麗神宗

西大悲院錄事不就乃移居深谷終身不返
未幾果有契丹之難蒙古兵再至

臣等按當時權姦擅國視君如土梗廢置
在其手此正賢士高蹈遠引之時也蒲朝
羣臣無一人能見幾而作惟漢獨能之可
不謂賢乎其視當時媚竈乞憐之徒不啻
若太蔬况肯赴其徵辟耶其英風峻節至
今數千載之下聞者莫不景仰而歎慕云
楊廣道按察郭公儀貪鄙民多怨之有司執
其陪吏鞠之公儀嘗以博戲內交忠獻故不

窮治^{セタ}止^ツ答^ラ其吏

熙宗成孝王

諱^ハ徽^ノ字^ハ不^レ陂^ノ古諱^ハ惠^ノ神宗長子母曰靖宣太后金氏神宗三年封太子七年正月奉遺命即位後為崔忠獻所廢在位七年壽五十七

丑

元年

宋開禧元年金泰和五年

春正月賜崔忠獻內莊田

一百結○夏五月崔忠獻作茅亭于男山里

第旁時雙松及第崔頤為賦雙松詩兩制文士皆和忠獻拍集者儒白光臣等使第之及

高麗熙宗

丙寅

第鄭公賁詩為魁忠獻奏其詩王名公賁屬內侍李奎載作亭記以美之○六月私文公徒諸生訖忠獻曰本徒及第林得佚附勢賣我宜聖堂于將軍金俊請罪之乃囚得佚徵白金十斤○冬十一月以崔忠獻為特進訖謨逸德安社濟世功臣門下侍中晉康郡開國侯食邑三千戶食寶封三百戶奇洪壽判吏部事洪壽以吏部掌銓選讓于忠獻二年宋開禧元年金泰和五年春正月詔曰門下侍中晉康侯忠獻當先君即政之時及寡人

繼統之初至千今日竭誠來輔有大功業可
降使立府以崇賞典乃命禮司及樞密院立
都監○二月祔神宗于太廟本朝廟制九室
而有新祔之主則奉出主安於本陵崔忠獻
與宰樞議據古典有功者不遷親盡者毀之
以為順宗親盡無嗣當出以神宗祔于第九
室太祖在西東向惠顯同為第一昭宣肅同
為第二昭仁宗為第三昭文宗為第一穆睿
宗為第二穆神宗為第三穆○三月冊崔忠
獻為晉康侯立府曰興寧置僚屬以興德宮

高麗麗熙宗

屬之忠獻迎命于男山第諸王皆詣其門禮
畢宴冊使贈犀帶白金綾絹鞍馬甚厚其餘
執事亦贈白金綾絹有差夜更宴諸主因奏
留使副其帳具花果絲竹聲伎之盛自三韓
以來人臣之家所未有也自後忠獻出入宮
禁便服張蓋侍從門客殆三千餘人○夏四
月金遣大理卿移刺光祖少府監馬黯來冊
主○冬十一月以崔忠獻為中書令晉康公
忠獻辭不拜

卯丁

二年宋冊禧三年金泰和八年春二月崔忠獻奏

諸道流配者量移放免幾三百人○三月奉
上冊寶於王太后賜崔忠獻犀帶金銀綾絹
鞍馬遂宴諸主宰樞文武常參以上官賜廐
馬入一匹○夏五月崔忠獻殺其甥朴晉材
晉材門客之多幾於忠獻而率皆勇悍得官
者少晉材怏怏不平或酒酣輒言忠獻無狀
且自謂若無忠獻自可專國常欲圖之至是
流言曰舅氏將有無君之心每語門客曰寧
無一日之榮乎忠獻知其必害已白晉材晉
材謁於階下忠獻呼使前曰汝何欲害我遂

高麗熙宗

辰戊

令左右縛之斷其脚筋流于白翎鎮尋死分
配門客勇悍者于遠島○冬十二月復以崔
忠獻為中書令晉康公忠獻曰公者五等之
首中書令人臣之極遂辭不拜
四年宋嘉定元年金泰和春二月移御梨坡
崔瑀第忠獻迎駕獻壽于閣洞之私第諸主
宰樞皆侍宴翼日乃罷錦繡絲棚胡漢雜戲
窮極侈異不可言狀○三月王曲宴于忠獻
茅草唱和終夜劇飲○夏閏四月宴諸主宰
樞觀擊毬賜忠獻玉帶一腰通天筋帶二腰

南銚十五片又賜打毬者絲帛有差○賜皇
甫瓊等三十三人及第新及第等謁忠獻于
私第忠獻贈隨從坊廂銀瓶各一事瑞亦贈
銀瓶詣梨坂宮王出御外樓賜酒果仍觀各
坊廂歌吹皇甫瓊等七人命屬內侍時人謂
同知貢舉琴儀乃忠獻所昵故待以厚禮如
此儀即克儀也○秋七月改營太市左右長
廊自廣化門至十字街凡一千八楹又於廣
化門內構太倉南廊迎休門等七十三楹凡
五部坊里兩班戶歛米粟僦賃供役兩班坊

高麗熙宗

里之役始此○八月幸法雲寺自是數幸寺
院○冬十月詔曰往羊聖考祔廟之日改定
昭穆位序有所乖戾令宰樞侍臣禁官國學
致仕文儒等據典籍與本朝禮制參酌各上
封事於是衆論紛紜然竟不改焉

史臣曰漢書云父昭子穆孫復為昭公羊
傳曰父為昭子為穆孫從王父則昭穆之
序一定不易者明矣豈可隨時而變易乎
今遷第一穆位顯宗於第一昭位與惠宗
同一位遷第二昭位文宗於第一穆位遷

第二穆位宜肅二室於第二昭位遷第三昭位睿宗於第二穆位遷第三穆位仁宗於第三昭位而以神宗祔第三穆位國無恒典而昭穆之序大紊矣况惠顯二主皆有功德若周之文武故太祖東向惠為太宗顯為世宗百世不遷其餘則昭常為昭穆常為穆庶合於禮矣

幸將軍崔瑀第命牽龍擊毬

五年宋嘉定一年金東海侯大年春正月王聞安元年蒙古太相四年

金主殂遣奉慰使史洪紀祭奠使李淳中如

高麗熙宗

金淳中請祭器於金有司不許淳中曰道途遼遠聞訃最晚騰裝速赴未暇齎來大國何責入以細故而吝惜此器耶乃許之及祭奠具精腆金人嘉其至誠○金遣孫居寬來告喪○三月遣上將軍金元傑禮部侍郎房應喬如金賀即位表曰五馬渡江表晉朝之開新主六龍御極符義易之見大人少府監崔甫淳辭也金主兄弟爭位惡其觸實中書省詰云我聖上龍飛非若晉朝渡江之比何用此語甫淳坐免○夏四月崔忠獻殺右僕射

韓琦將軍全南寶等九人分配從者于遠島
初青郊驛吏三人謀誅忠獻父子詐為公牒
召募諸寺僧徒牒至歸法寺寺僧執贖牒者
以告忠獻忠獻即別立教定別監于迎恩館
閉城門大索其黨青郊吏遂譏構琦余其三
子殺之○五月平章事崔誵卒誵惟清之子
以文學聞於世恬淡寡言不以門地自負禮
賢下士王以誵年高有德自叅知政事超拜
冢宰既而引年致政○秋九月崔忠獻會賓
客設重陽宴使都房有力者手搏勝者即授

高麗豐熙宗

校尉隊正以賞之

史臣任昉曰按國家頒政例六月謂權務
政十二月謂本政吏兵判事與諸同寮會
坐于各部功者陟之罪者黜之陟一黜
皆承上命過此時雖有所缺未嘗差授况
無功者乎忠獻威傾一國獨專政柄若有
所缺則不顧官爵之為公器乃以眼前小
戲亂其邦憲又因左右所托或授東班權
務之職若納賂稱意者即許之其頒政無
常專恣弄法未有甚於此者矣

東監二十九

午庚

平章事奇洪壽李洪壽自少善書工文及壯
投筆從武班積官至平章嘗引手勇退琴書
自娛○冬十一月還御處慶宮日將晡乘輿
未駕左御史崔傳右御史尹世儒飢甚入路
傍家飲酒不覺駕出傳犯馳道世儒泥醉使
入控馬言語狂亂憲府劾奏左遷傳安東都
護府判官世儒梁州副使

六年宋嘉定三年金大安二年蒙古太祖五年春三月有人投匿
名書于崔忠獻家曰直長同正元語與宰相
于承慶謀殺崔忠獻忠獻捕詰問之語仰天

高麗熙宗

歎曰此必我仇人庾益譏所為也益譏嘗傾
我銀瓶未償亡去予屢責妻子納其家舍益
譏讎之誣陷我也忠獻遣人搜益譏家果得
其草乃流于島○夏四月太史請被妖言先
是忠獻營第于閣洞里毀人家百餘務為宏
麗延袤數里擬於禁掖北臨塵市構別堂土
木役劇國內嗷嗷訛言密捕童男女衣以五
色埋宅四隅以禳土木之氣故凡有見者皆
深匿之至有抱負遠遁或無賴輩詐捕小兒
其父母驚懼失措賂以厚幣然後乃棄去忠

未辛

獻令御史臺榜于市街曰人命至重豈有埋地瘞穰之理如有捕見者執之以告自後妖言稍息○冬十二月台明宗太子璿于江華七季宋嘉定四年金太安春正月封璿守司空上柱國漢南公改名貞○崔忠獻權傾人主威振中外人有違忤即見誅戮故皆鉗口莫敢誰何盧仁祐以姻戚昵比佯狂屢陳直語忠獻惡之出為仁州守秩滿還朝時忠獻營三第皆多歲金玉錢穀謂左右曰除府庫所藏外金銀珠寶欲獻王府以助國用何如

高麗熙宗

衆皆曰善仁祐曰未若留為經費更不歛民之為愈也忠獻慚赧○夏四月冊元妃任氏為咸平宮主○五月金遣完顏惟孚來賀生辰王遣將軍金良器回謝良器至通州遇蒙古兵中矢而死金收骨以送○秋九月平章事致仕崔謙李謙善屬文敷歷中外皆有聲績名重一時年未衰毫上章乞退扁所居齋曰雙明與弟誥及張自牧李俊昌白光臣高瑩中李世長玄德秀趙通等為耆老會消遣自適圖形列石傳於世時人謂之地上仙○

東鑑二十一

二十三

冬十二月崔忠獻廢王立漢南公貞時忠獻
以銓注詣壽昌宮方在王前有項王入內中
官給忠獻從者曰有旨賜酒食乃引深入廊
廡間俄有僧俗十餘人持兵突至擊從者數
人忠獻知有變倉皇奏曰願上救臣上默然
閉戶不納忠獻無以為計匿於知奏事房紙
障間有一僧三索竟不獲時忠獻族人上將
軍金躍玳瑁舅知奏鄭叔瞻在重房聞變即
入內扶忠獻以出其黨指諭申宣曹奇允偉
等與僧徒相格鬪忠獻都房六番皆集宮城

高麗熙宗

外不知忠獻死生有茶捧廬永儀者初隨忠
獻入內登屋大呼曰吾公無恙於是都房爭
入救之僧徒敗走躍玳謂忠獻曰我將率兵
入宮盡殺無遺且行大事忠獻曰如此則國
將何如恐為後世口實我當推鞫爾無輕往
使上將軍鄭邦輔等捕司鑰鄭允時及中官
囚于仁息館鞫之乃瀆明為謀主叅政于承
慶樞密史弘績將軍王翊等皆知其謀忠獻
怨王廢遷于江華縣尋移紫雲島放太子社
于仁州德陽侯恕于喬桐縣始寧侯禕于白

翎縣遣平章事任濡奉蓮南公負于私邸即位於康寧殿改名祺

史臣曰是時忠獻執國命已有年矣廣植黨與專擅威福熙宗雖欲有為何以裁為王之計當以正自處任賢使能王室自強雖有跋扈之臣無由肆其惡矣王不知此聽用輕薄之謀欲快一時之忿卒見放黜噫

忠獻流王濬明于承慶史弘績王翊等于外

康宗元孝王

高麗熙宗

諱祺字大華一字法柱明宗太子也光靖太后金氏崔忠獻廢熙宗奉王即位 在位二年壽六十二

元年 宋嘉定五年金崇慶元年蒙古太祖七年 春正月制改崔忠

獻興寧府為晉康府 ○二月遣中書舍人李

儀如金表曰伏見國王早傳先業恪守外藩

忽嬰疾病以彌留寢致形骸之甚弱攻療無

効顛仆是憂庶因脫釋於繁機姑欲保全於

餘喘盖由承稟臣仲父先國王臣脾遺囑以

臣親則猶子理合承家如有遮更必先推與

申生

迺令臣視權國事務而臣辭不獲已受亦難
堪顧村鼎之非輕將顛呼而遙達然念黎元
不可一日而無主社不可曠時而乏利勉
副羣情假司重寄儻迴淵聽采荷鴻恩○三
月平章事任濡卒濡元厚之子性恬淡慈和
不以勢位驕人雖臧獲賤隸未嘗詬罵歷仕
五朝居官勤恪慶決明允掌制誥十六年一
時高文大冊皆出其手四闕文闕所舉皆當
時名士若趙冲李奎報金敞俞承且其尤者
也晚年奉佛彌篤配享熙宗廟庭○秋七月

高麗康宗

冊子曠為王太子加元服立府○金遣大理
卿完顏惟基來冊主為開府儀同三司上柱
國高麗國王賜車服金印匹段鞍馬弓矢等
物金使欲入自儀鳳正門王命知奏事琴儀
往諭曰天子之巡狩方嶽自古有之若大國
枉蹕小國當入自何門耶惟基答曰天子出
入捨中門而何儀曰然則人臣由正門可乎
惟基大服其言乃入自西門○冬十二月賜
崔忠獻文經武緯嚮理措安功臣號以金元
義參知政事崔洪胤為政堂文學鄭克温為

左僕射判三司事

癸酉

二年 宋嘉定六年金宣宗貞祐元年蒙古太祖八年 秋八月癸酉王

不豫丁丑詔曰朕以不類叨承大寶于今數

載德薄負重疾漸惟幾粵惟天位不可暫虛

太子暎德足以外聞于上朋足以不官于下

乃命以位凡爾百僚各執爾事以聽嗣王山

陵制度務從儉約易月之服三日而除是日

暮有星大如日見於乾方俄而墮地夜二鼓

王薨于壽昌宮戊寅王太子暎受遺詔即位

于康安殿上謚元孝廟號康宗九月丙午葬

高麗康宗

厚陵

史臣曰康宗凡所施為皆受制於強臣遽

罹疾病享國日淺悲夫

金遣使來告即位改元○閏月遣郎將盧育

夫如金進奉金蘊珠告哀

東國通鑑卷之二十九

